


Araling Panlipunan

Unang Markahan – Modyul 2:

PILIPINAS: “Kaugnay mong Lokasyon, Matatalunton”



Araling Panlipunan – Ika-apat na Baitang

Alternative Delivery Mode

Unang Markahan – Modyul 2: PILIPINAS: “Kaugnay mong Lokasyon, Matatalunton” **Unang Edisyon, 2020**

Isinasaad sa Batas Republika 8293, Seksiyon 176 na: Hindi maaaring magkaroon ng karapatang-sipi sa anomang akda ang Pamahalaan ng Pilipinas. Gayonpaman, kailangan muna ang pahintulot ng ahensiya o tanggapan ng pamahalaan na naghanda ng akda kung ito ay pagkakakitaan. Kabilang sa mga maaaring gawin ng nasabing ahensiya o tanggapan ay ang pagtakda ng kaukulang bayad.

Ang mga akda (kuwento, seleksiyon, tula, awit, larawan, ngalan ng produkto o brand name, tatak o trademark, palabas sa telebisyon, pelikula, atbp.) na ginamit sa modyul na ito ay nagtataglay ng karapatang-ari ng mga iyon. Pinagsumikapang matunton ang mga ito upang makuha ang pahintulot sa paggamit ng materyales. Hindi inaangkin ng mga tagapaglathala at mga may-akda ang karapatang-aring iyon. Ang anomang gamit maliban sa modyul na ito ay kinakailangan ng pahintulot mula sa mga orihinal na may-akda ng mga ito.

Walang anomang parte ng materyales na ito ang maaaring kopyahin o ilimbag sa anomang paraan nang walang pahintulot sa Kagawaran.

Inilathala ng Kagawaran ng Edukasyon

Kalihim: Leonor Magtolis Briones

Pangalawang Kalihim: Diosdado M. San Antonio

Bumuo sa Pagsusulat ng Modyul

Manunulat: Iren A. Nunez, Flaviana Merciales, Jason Hadap, Emma Jadie

Editor: Jerry P. Ramirez

Tagasuri: Ana N. Calisura

Tagaguhit:

Tagalapat: Edsel D. Doctama

Tagapamahala: Gilbert T. Sadsad

Francisco B. Bulalacao Jr.

Grace U. Rabelas

Ma. Leilani R. Lorico

Imelda R. Caunca

Marites B. Tongco

Inilimbag sa Pilipinas ng _____

Department of Education – Region V

Office Address: Regional Center Site, Rawis, Legazpi City, 4500

Telefax: 0917 178 1288

E-mail Address: region5@deped.gov.ph

Araling Panlipunan

Unang Markahan – Modyul 2:

**PILIPINAS: “Kaugnay mong
Lokasyon, Matatalunton”**

Paunang Salita

Para sa tagapagdaloy:

Malugod na pagtanggap sa asignaturang **Araling Panlipunan 4** ng Alternative Delivery Mode (ADM) Modyul para sa araling **PILIPINAS: “Kaugnay mong Lokasyon, Matatalunton”!**

Ang modyul na ito ay pinagtulungang dinisenyo, nilinang at sinuri ng mga edukador mula sa pampubliko at pampribadong institusyon upang gabayan ka, ang gurong tagapagdaloy, upang matulungang makamit ng mag-aaral ang pamantayang itinakda ng Kurikulum ng K to12 habang kanilang pinanagumpayan ang pansarili, panlipunan, at pang-ekonomikong hamon sa pag-aaral.

Ang tulong-aral na ito ay umaasang makauugnay ang mag-aaral sa mapatnubay at malayang pagkatuto na mga gawain ayon sa kanilang kakayahan, bilis, at oras. Naglalayon din itong matulungan ang mag-aaral upang makamit ang mga kasanayang pan-21 siglo habang isinasaalang-alang ang kanilang mga pangangailangan at kalagayan.

Bilang tagapagdaloy, inaasahang bibigyan mo ng paunang kaalaman ang mag-aaral kung paano gamitin ang modyul na ito. Kinakailangan ding subaybayan at itala ang pag-unlad nila habang hinahayaan silang pamahalaan ang kanilang sariling pagkatuto. Bukod dito, inaasahan mula sa iyo na higit pang hikayatin at gabayan ang mag-aaral habang isinasagawa ang mga gawaing nakapaloob sa modyul.

Para sa mag-aaral:

Malugod na pagtanggap sa **Araling Panlipunan 4** ng Alternative Delivery Mode (ADM) Modyul ukol sa **PILIPINAS: “Kaugnay mong Lokasyon, Matatalunton”!**

Ang modyul na ito ay ginawa bilang tugon sa iyong pangangailangan. Layunin nitong matulungan ka sa iyong pag-aaral habang wala ka sa loob ng silid-aralan. Hangad din nitong madulutan ka ng mga makabuluhang oportunidad sa pagkatuto.

Ang modyul na ito ay may mga bahagi at icon na dapat mong maunawaan.



Alamin

Sa bahaging ito, malalaman mo ang mga dapat mong matutuhan sa modyul.



Subukin

Sa pagsusulit na ito, makikita natin kung ano na ang kaalaman mo sa aralin ng modyul. Kung nakuha mo ang lahat ng tamang sagot (100%), maaari mong laktawan ang bahaging ito ng modyul.



Balikan

Ito ay maikling pagsasanay o balik-aral upang matulungan kang maiugnay ang kasalukuyang aralin sa naunang leksyon.



Tuklasin

Sa bahaging ito, ang bagong aralin ay ipakikilala sa iyo sa maraming paraan tulad ng isang kuwento, awitin, tula, pambukas na suliranin, gawain o isang sitwasyon.



Suriin

Sa seksyong ito, bibigyan ka ng maikling pagtalakay sa aralin. Layunin nitong matulungan kang maunawaan ang bagong konsepto at mga kasanayan.



Pagyamanin

Binubuo ito ng mga gawaing para sa malayang pagsasanay upang mapagtibay ang iyong pang-unawa at mga kasanayan sa paksa. Maaari mong iwasto ang mga sagot mo sa pagsasanay gamit ang susi sa pagwawasto sa huling bahagi ng modyul.



Isaisip

Naglalaman ito ng mga katanungan o pupunan ang patlang ng pangungusap o talata upang maproseso kung anong natutuhan mo mula sa aralin.



Isagawa

Ito ay naglalaman ng gawaing makatutulong sa iyo upang maisalin ang bagong kaalaman o kasanayan sa tunay na sitwasyon o realidad ng buhay.



Tayahin

Ito ay Gawain na naglalayong matasa o masukat ang antas ng pagkatuto sa pagkamit ng natutuhang kompetensi.



Karagdagang Gawain

Sa bahaging ito, may ibibigay sa iyong panibagong gawain upang pagyamanin ang iyong kaalaman o kasanayan sa natutuhang aralin.



Susi sa Pagwawasto

Naglalaman ito ng mga tamang sagot sa lahat ng mga gawain sa modyul.

Sa katapusan ng modyul na ito, makikita mo rin ang:

Sanggunian

Ito ang talaan ng lahat ng
pinagkuhanan sa paglikha o
paglinang ng modyul na ito.

Ang sumusunod ay mahahalagang paalala sa paggamit ng modyul na ito:

1. Gamitin ang modyul nang may pag-iingat. Huwag lalagyan ng anumang marka o sulat ang anumang bahagi ng modyul. Gumamit ng hiwalay na papel sa pagsagot sa mga pagsasanay.
2. Huwag kalimutang sagutin ang *Subukin* bago lumipat sa iba pang gawaing napapaloob sa modyul.
3. Basahing mabuti ang mga panuto bago gawin ang bawat pagsasanay.
4. Obserbahan ang katapatan at integridad sa pagsasagawa ng mga gawain at sa pagwawasto ng mga kasagutan.
5. Tapusin ang kasalukuyang gawain bago pumunta sa iba pang pagsasanay.
6. Pakibalik ang modyul na ito sa iyong guro o tagapagdaloy kung tapos nang sagutin lahat ng pagsasanay.

Kung sakaling ikaw ay mahirapang sagutin ang mga gawain sa modyul na ito, huwag mag-aalinlangang konsultahin ang inyong guro o tagapagdaloy. Maaari ka ring humingi ng tulong kay nanay o tatay, o sa nakatatanda mong kapatid o sino man sa iyong mga kasama sa bahay na mas nakatatanda sa iyo. Laging itanim sa iyong isipang hindi ka nag-iisa.

Umaasa kami, sa pamamagitan ng modyul na ito, makararanas ka ng makahulugang pagkatuto at makakakuha ka ng malalim na pang-unawa sa kaugnay na mga kompetensi. Kaya mo ito!



Alamin

Kumusta! Malugod na pagbati sayo. Ikaw ay nasa ikalawang modyul na. Natapos mong pag-aralan sa unang modyul ang mga katangian ng Pilipinas at kung bakit ito tinawag na isang bansa.

Ngayon naman malalaman mo ang kinalalagyan ng Pilipinas batay sa mga nakapaligid dito. Bilang isang Pilipino, mahalagang matukoy mo ang lokasyon nito sa Asya at sa mundo.

Pamantayang Pangnilalaman

Ang mag-aaral ay naipamamalas ang pang-unawa sa pagkakakilanlan ng bansa ayon sa mga katangiang heograpikal gamit ang mapa.

Pamantayan sa Pagganap

Ang mag-aaral ay naipamamalas ang kasanayan sa paggamit ng mapa sa pagtukoy ng iba't ibang lalawigan at rehiyon ng bansa.

Pamantayan sa Pagkatuto

Pagkatapos mo basahin ang modyul na ito, ikaw ay inaasahang:

Natutukoy ang relatibong lokasyon (relative location) ng Pilipinas batay sa mga nakapaligid dito gamit ang pangunahin at pangalawang direksiyon. **(AP4AAB-Ic4)**

Saang bahagi kaya ng mundo matatagpuan ang Pilipinas?

Tara, sabay nating alamin sa modyul na ito!

Ano kaya ang mga nakapaligid sa Pilipinas kung pagbabatayan ang pangunahin at pangalawang direksiyon?






Subukin

ULAP-HANAP

Piliin mo ang iyong sagot mula sa mga salitang nasa loob ng ulap sa ibaba.



1. Sa rehiyong ito matatagpuan ang bansang Pilipinas.
2. Nasa gawing _____ ng Pilipinas ang mga bansang Taiwan at Japan.
3. Ito ang bahaging tubig na nasa kanluran ng Pilipinas.
4. Kung pagbabatayan ang pangalawang direksiyon, ang mga isla ng Paracel ay matatagpuan sa _____ ng bansa.
5. Kung ang bansang China ay nasa hilaga ng Pilipinas, ano naman ang bahaging tubig na matatagpuan sa direksiyong ito?
6. Dahil sa kinalalagyan ng Pilipinas sa Pasipiko, kaya ito tinawag na _____.
7. Ang pinakamalaking bahaging tubig na nasa silangan ng Pilipinas ay _____.
8. Ano ang tawag sa pagtukoy ng lokasyon gamit ang mga bansa at bahaging tubig na nakapaligid dito.
9. Sa direksiyong ito ng Pilipinas makikita ang dalawang malaking bahaging tubig na Dagat Sulu at Dagat Celebes.
10. Ito ay isa sa mga bansang nasa kanluran ng Pilipinas.

Aralin**1****PILIPINAS: Kaugnay mong Lokasyon, Matatalunton”*****Balikan*****LETRA-BUSTER**

Tukuyin ang inilalarawang konsepto sa bawat bilang gamit ang gabay na titik.

1. Ang P na tumutukoy sa samahan o organisasyong politikal na itinataguyod ng mga grupo ng tao para magkaroon ng kaayusan at mapapanatili ang sibilisadong lipunan.
2. Ang S na tumutukoy sa kapangyarihan na mayroon ang isang bansa upang mamahala sa kaniyang nasasakupan.
3. Ang T na grupong naninirahan sa loob ng teritoryo na bumubuo sa populasyon ng bansa.
4. Ang B na lugar o teritoryo na may naninirahang grupo ng mga tao, na may sariling pamahalaan at soberanya upang mapamahalaan nang maayos ang mga nasasakupan nito.
5. Ang T na tumutukoy sa lawak ng lupain at katubigan kasama na ang himpapawid at kalawakan sa itaas nito.



Tuklasin

Tumingin ka sa iyong paligid mula sa iyong kinauupuan ngayon. Anong mga bagay ang nakapaligid sa iyo? Punan mo ang pangungusap sa ibaba.

Sa kanan ko makikita ang _____.

Matatagpuan ko naman sa aking kaliwa ang _____.

Sa aking harap, makikita ang _____.

Samantalang sa aking likuran makikita ang _____.



Madali mo bang natukoy ang mga bagay sa iyong paligid? Magaling! Maraming mga bagay ang nakapaligid sa iyo kahit nasa loob ka lang ng iyong bahay. Katulad mo, ang Pilipinas bilang isang bansa ay marami ding nakapaligid dito.



Suriin

Bahagi ng mundo ang Pilipinas. Kung pagmamasdang mabuti ang mapang pandaigdig o kaya naman ay globo, mapapansin mong may mga bansa at bahaging tubig na nakapaligid malapit o malayo man sa kinalalagyan nito.



Bahagi ng Asya, na pinakamalaking kontinente sa buong daigdig, ang bansang Pilipinas. Ito ang ikalawang pinakamalaking kapuluang matatagpuan sa rehiyong Timog-Silangang Asya sa gawing itaas ng ekwador. Tinagurian ang Pilipinas bilang “Pintuan ng Asya” dahil sa kinalalagyan nito sa Pasipiko at bilang bahagi ng kontinente at lupalop ng Asya. Nasa pagitan ito ng 4° - 21° Hilagang Latitud at 116° - 127° Silangang Longhitud.



Maaaring matukoy ang kinalalagyan ng Pilipinas batay sa mga nakapaligid na kalupaan at katubigan gamit ang mga pangunahin at pangalawang direksiyon. Ito ay ang relatibong lokasyon o kaugnay na kinalalagyan ng bansa.

Relatibong Lokasyon - ay ang lokasyon ng isang lugar ayon sa kinalalagyan ng mga katabi o kalapit nitong lugar.

Bisinal ➔

tawag sa pagtukoy ng lokasyon gamit ang mga bansang nakapaligid dito.

Insular ➔

Insular o Maritima ang tawag sa pagtukoy ng lokasyon sa pamamagitan ng pag-alam ng mga anyong tubig na nakapaligid dito.


Suriin ang mapa ng Timog-Silangang Asya. Ano ang mga bansa at tubig ang nakapaligid sa Pilipinas?




Makikita sa graphic organizer ang mga bansa at mga bahagi ng tubig na nakapaligid sa Pilipinas.

Pangunahing Direksiyon	Karatig Bansa	Bahaging Tubig
Hilaga	Taiwan	Bashi Channel
Timog	Indonesia	Dagat Celebes at Dagat Sulu
Kanluran	Vietnam	Dagat Kanlurang Pilipinas (West Philippine Sea) o Dagat Timog Tsina
Silangan		Karagatang Pasipiko

Suriin ang grapikong presentasyon sa ibaba, ano'ng mga bahaging tubig ang nakapalibot sa Pilipinas?



Ano-ano namang mga bansa ang nakapalibot sa Pilipinas kung pagbabatayan ang mga pangunahing direksiyon? Pangalawang direksiyon?





Masdan muli ang mapa ng Timog Silangang Asya. Ano-ano naman ang pumapalibot na mga bahagi ng tubig at mga bansa sa Pilipinas kung ang pagbabatayan ay ang mga pangalawang direksiyon?

Kung pagbabatayan ang mga pangalawang direksiyon, matutukoy rin ang kinalalagyan ng Pilipinas na napaliligiran ng Dagat ng Pilipinas sa hilagang-silangan, mga isla ng Palau sa timog-silangan, mga isla ng Paracel sa hilagang kanluran, at Borneo sa timog-kanluran.



Ngayong napag-aralan mo na ang lokasyon ng Pilipinas, handa ka na bang subukin ang natutunan mo? Tara na, tingnan natin!

Bago mo simulan ang mga gawain, balikan mo muna ang compass rose sa ibaba. Naaalala mo pa ba kung ano ang gamit nito? Ito ay simbolo na nagpapakita ng direksiyon. Makikita mo dito ang mga pangunahin at pangalawang direksiyon.



Pagyamanin

A. Isulat mo sa patlang ang **H** kung sa gawing hilaga, **S** kung sa silangan, **T** kung sa timog, **K** kung sa kanluran, **HK** kung sa hilagang-kanluran, **TK** kung timog-kanluran, at **TS** kung timog-silangan ng Pilipinas makikita ang mga nasa ibaba.

- | | |
|------------------------|-------------------------------|
| _____ 1. Dagat Celebes | _____ 6. Palau |
| _____ 2. Vietnam | _____ 7. Dagat Sulu |
| _____ 3. Brunei | _____ 8. Taiwan |
| _____ 4. Bashi Channel | _____ 9. Isla ng Paracel |
| _____ 5. Indonesia | _____ 10. West Philippine Sea |

B. Suriing mabuti ang mga salita sa bawat hanay. Bilugan ang salitang naiiba sa Hanay B gamit ang panandang salita sa Hanay A.

Hanay A	Hanay B
1. Bisinal	Taiwan, Japan, Bashi Channel, Indonesia, Paracel Island
2. Insular	Dagat Pilipinas, Dagat Sulu, Paracel Island, Dagat Celebes
3. Dagat	Karagatang Pasipiko, Dagat Kanlurang Pilipinas, Dagat Sulu, Dagat Celebes
4. Kanluran	Vietnam, Indonesia, Dagat Kanlurang Pilipinas, Thailand
5. Hilaga	Taiwan, Dagat Celebes, Japan, China

C. Suriin ang sumusunod na mga pahayag. Isulat ang salitang **TAMA** kung wasto ang pahayag at **MALI** naman kung hindi wasto.

1. Matatagpuan ang Pilipinas sa Timog-silangang Asya.
2. Kung gagamitin ang pangunahing direksiyon, nasa timog ng Pilipinas ang bansang Indonesia.
3. Nasa gawing kanluran ng Pilipinas ang Karagatang Pasipiko.
4. May mga nakapaligid na bansa at bahaging tubig sa bansang Pilipinas.
5. Matatagpuan ang Pilipinas sa 1° - 20° hilagang latitud at 110° - 130° silangang longhitud.



Nasagutan mo ba ang mga katanungan? Sige, subukan mo ang karagdagang gawain na magpapalawak lalo ng iyong kaalaman.


D. Hanapin sa kahon ng mga letra ang salitang inilalarawan sa bawat bilang. Isulat ang nabuong sagot sa iyong sagutang papel.

WORDY-PICK

M	A	R	I	T	I	M	A	F	W
A	P	A	R	A	C	E	L	I	S
S	X	V	B	F	G	Y	F	E	X
Y	C	C	E	L	E	B	E	S	V
A	P	I	L	I	P	I	N	A	S
M	C	F	T	Y	E	W	O	P	B

1. Ito ang itinuturing na “Pintuan ng Asya”.
2. Isa pang tawag sa pagtukoy sa lokasyon gamit ang bahaging tubig na nakapalibot dito.
3. Lugar na nasa gawing hilagang-kanluran ng Pilipinas.
4. Pinakamalaking kontinente sa mundo kung saan matatagpuan ang Pilipinas.
5. Ang malaking bahaging tubig na matatagpuan sa timog ng bansa.


Nasiyahan ka bang maghanap sa Wordy-Pick? Naalala mo ba ang mga napag-aralan mo? Tara, palawakin pa natin!





Isaisip


Ayusin ang pagkasunod-sunod ng ideya sa graphic organizer upang makuha ang nakatagong mensahe. Isulat ito sa iyong sagutang papel.





Isagawa

Gamit ang mga gabay na titik, tukuyin ang mga bansa at bahaging tubig na nakapaligid sa Pilipinas.



Ngayon ay natapos mo ng pag-aralan ang lokasyon ng Pilipinas. Subukan nga natin kung naunawaan mo ang mga ito. Handa ka na ba? Tara, simulan na natin!



Tayahin

Piliin ang titik ng tamang sagot.

1. Ang Pilipinas ay isang bansang matatagpuan sa _____.
A. Timog Asya C. Hilagang Asya
B. Timog-silangang Asya D. Hilagang-silangang Asya
2. Ang sumusunod ay matatagpuan sa hilaga ng Pilipinas MALIBAN sa isa. Alin ito?
A. Taiwan B. Bashi Channel C. Vietnam D. China
3. Kung ang Karagatang Pasipiko ay nasa gawing silangan ng bansa, ang dagat Kanlurang Pilipinas naman ay nasa gawing _____ nito.
A. Timog B. Silangan C. Kanluran D. Hilaga
4. Ito ang tawag sa pagtukoy sa lokasyon ng isang lugar batay sa kinalalagyan ng mga katabi o kalapit nitong lugar.
A. Lokasyong Insular C. Lokasyong Maritima
B. Relatibong Lokasyon D. Lokasyong Bisinal
5. Maituturing na nasa lokasyong _____ ang mga bahaging tubig ng Sulu at Celebes sa timog ng bansa.
A. Bisinal B. Insular C. Doktrinal D. wala sa nabanggit
6. Nasa timog ng Pilipinas ang bansang _____.
A. Taiwan B. Laos C. Cambodia D. Indonesia
7. Matatagpuan ang Japan at Taiwan sa _____ ng Pilipinas.
A. Hilaga B. Timog C. Silangan D. Kanluran
8. Kung pagbabatayan ang pangalawang direksiyon, alin sa sumusunod na bansa o bahaging tubig ang HINDI kabilang?
A. Palau B. Paracel Is. C. Brunei D. Vietnam

9. Ang pinakamalapit na bansa sa hilaga ng Pilipinas ay_____.

- A. Taiwan B. Vietnam C. Brunei D. China

10. Ang Pilipinas ay napaliligiran ng mga _____ at _____.

- A. tao at teritoryo C. bansa at katubigan
B. pamahalaan at tao D. bansa at pamahalaan




Kumusta! Naging madali ba ang pagsagot mo sa mga katanungan? Sige, maghanda para sa iba pang gawain.



Karagdagang Gawain

Gawain 1

Ayusin ang mga ginulong titik sa bawat direksiyon upang maitama ang kinalalagyan ng mga bansa at bahaging tubig na pumapalibot sa Pilipinas.



Gawain 2

Iguhit sa iyong sagutang papel ang mapa ng Pilipinas gaya ng nasa ibaba. Isulat ang mga lugar na nakapaligid sa Pilipinas sa bawat nakasulat na pangunahin at pangalawang direksiyon.

1. Hilagang-kanluran
2. Timog-silangan
3. Kanluran
4. Hilagang-silangan
5. Timog



Binabati kita at matagumpay mong natapos ang modyul na ito! Maaari mo na ngayong simulan ang susunod na modyul.



Susi sa Pagwawasto

<p>TUKLASIN</p> <p>Depende ang sagot sa mga bagay na nakita ng bata sa kanyang kinalalagyan.</p> <p>PAGYAMANIN</p> <p>A. 1. T, 2. K, 3. TK, 4. H 5. T, 6. TS, 7. T, 8. H 9. HK, 10. K</p> <p>B. 1. Bashi Channel 2. Paracel Is. 3. Karagatang Pasipiko 4. Indonesia 5. Dagat Celebes</p> <p>C. 1. TAMA, 2. TAMA 3. MALI 4. TAMA 5. MALI</p> <p>WORDY-PICK</p> <p>1. Pilipinas 2. Maritima 3. Paracel Is. 4. Asya 5. Celebes</p>	<p>SUBUKIN</p> <p>1. Timog-silangang Asya 2. Hilaga 3. Dagat Kanlurang Pilipinas 4. Hilagang-kanluran 5. Bashi Channel 6. Pintuan ng Asya 7. Karagatang Pasipiko 8. Relatibong Lokasyon 9. Timog 10. Vietnam</p> <p>BALIKAN</p> <p>1. Pamahalaan 2. Soberanya 3. Tao 4. Bansa 5. Teritoryo</p>
--	--

<p>KARAGDAGANG GAWAIN</p> <p>GAWAIN 1</p> <p>H- Bashi Channel, Taiwan HK- Paracel Is. K- Vietnam TK- Brunei T- Indonesia S- Pacific Ocean</p> <p>GAWAIN 2</p> <p>HK- Paracel Is. TS-Palau K- Cambodia, Vietnam HS- Japan T- Indonesia, dagat Celebes, dagat Sulu</p>	<p>ISAGAWA</p> <p>1. Taiwan 2. Karagatang Pasipiko 3. West Phil. Sea 4. Thailand 5. Dagat Celebes 6. Indonesia</p> <p>TAYAHIN</p> <p>1. B 2. C 3. C 4. B 5. B 6. D 7. A 8. D 9. A 10. C</p>	<p>ISAISIP</p> <p>Ang Pilipinas ay isa sa mga bansa sa rehiyong Timog-silangang Asya na napaliliigiran ng mga bansa at bahaging tubig. Dahil dito mas madaling matukoy ang kinatalalagyan nito gamit ang kinatawag na Relatibong Lokasyon o kaugnay na kinatalalagyan ng bansa. Tinatawag itong lokasyong insular o maritima kapag bahaging tubig at lokasyong bisinal naman sa kalapit o katabi nitong bansa o lugar.</p>
--	---	---

Sanggunian

Department of Education. Araling Panlipunan 4, Learner's Materials.
Pasig City: Instructional Materials Secretariat (DepEd-IMCS),
2015.

Para sa mga katanungan o puna, sumulat o tumawag sa:

Department of Education - Bureau of Learning Resources (DepEd-
BLR)

Ground Floor, Bonifacio Bldg., DepEd Complex
Meralco Avenue, Pasig City, Philippines 1600

Telefax: (632) 8634-1072; 8634-1054; 8631-4985